

鍾離雲房祖師傳----陳子石宗師

鍾離祖師。姓鍾離。名權。字雲房。號正陽子。又號都散漢。雍州渭城人。

父章於西漢元初中為後北胡有功。封燕臺侯。作宦雲中。誕生鍾離祖。時白晝有一長人。云是上古黃神氏。當託生於此戶大踏步入臥房。見異光數丈。形如烈火。侍衛皆驚。其日乃四月十五。生下時不聲不哭不食。至第七日。躍然而起。果能言語曰。身遊紫府。名書玉清。其音如鐘。生得口方額廣。乳偃臂垂。狀如三歲孩子。其父愛護若罕世之珍。自幼知識輕重。因名權。

及壯。臉如丹塗。俊目美髯。身長八尺。仕為諫議大夫。兄簡自知不及。遜襲為侯。至是薦之為將。奉詔北征。梁冀忌之。發羸卒二萬。鍾離祖怨不欲行。恐違君命。怏怏而去。纔至。羌人乘夜刼營。軍士盡散。鍾離祖獨騎奔山谷迷道。深林有燈光透出。視之。一異人崩拂額。體掛草衣。垂頭坐立於燈下。此是黃龍誨機祖也。鍾離祖牽馬叉手。告以失利之故。異人起身攜鍾離祖引行數里。至一村莊。指曰。此少陽祖成道處。可息於此。遂揖別。後見李少陽祖披白鹿裘。扶青藜杖。抗聲而前曰。來者非漢將鍾離權耶。鍾離祖應曰是。少陽祖曰。汝何不寄宿異人之所。而顧衰朽。鍾離祖大驚。知是仙祖。是時方脫虎狼之穴。遽有鸞鶴之思。即拜伏哀求度世之方。少陽祖不吝。慨受以長生真訣。及金丹火候。青龍劍法。令退去。鍾離祖拜受。告辭出門。回顧莊居。忽不見。鍾離祖念兄簡在朝。恐為己得罪。乃奔回雒陽。

潛入兄府。泣訴以兵散敗回。簡慰曰。休矣。今梁氏肆惡。朝政日紊。我久不欲立於亂邦。棄此微祿。若殘炙耳。遂同鍾離祖潔身避入華山三峰。同參大道。後東遊泰山。遇華陽茅真人。入朝東嶽。伏道拜迎。求其道要。茅君扶起見載。至山宴飲。謂之曰。子之根炁深厚。非比凡流。何愁真道難得。茅君即以李真多所授太乙刀圭火符之訣出傳。謂之曰。學仙者。以炁為主。子當號為正陽。及聞上仙少陽祖在山。因請一見。復傳以貞元永命之秘。於是洞曉玄玄。退而雲遊至魯。居鄒城年餘。入崆峒。謁見道祖。賜號曰雲房。指破服食法。後脩成天仙。道法盡傳呂祖。又度藍采和祖等。在終南石壁間得靈寶經三部。上曰元始金誥。中曰元皇玉籙。下曰太上真元義。又著有鍾呂傳道集破迷正道歌等集傳世。然鍾離祖開我國生命學一代聖功偉蹟。早已發明人類圖強科學之行。蓋鍾離祖能入真宗之道。深得乎梁冀之力。若非兵敗逃生。何能回顧及早。故凡遇逆境。皆出世之機緣也。

鍾離雲房祖師駢言----陳子石宗師

悟真篇所稱不過鉛汞。而說破真詮。皆有妙義。使人玩玄學諸功法參之。深明奧旨。盛矣哉。黃芽初發。根蒂而蘊藏。金花未開。芬芳而早吐。回生超乎火箭。起死別乎醫家。天授之方。非常道也。夫黃帝成功。廣成面命。鍾

離德就。李亞心傳。至於雍州渭城。燕臺官邸。北胡功立。我祖降生。形骸獨異人。額何其廣。骨相猶超世。口露其方。縱云天現於祥光。難得時呈於烈火。且困地不哭也。元神生一點。聞之更奇。多時不食也。貌狀若三年。見之猶詫。彼仙丰道骨。猶尚兵書。況名符將軍。但知道法乎。若乃戰蹟潛藏。才還天助。玄風復興。事在人為。目睹離奇。不如實踐。閱靈寶之畢法。搜盡千崖。讀破迷之高歌。無非一旨。函關授訣。泄玉律金科之文。山谷傳真。闡陽玄陰牝之諦。如我祖者。可謂妙義了明。真靈獨契者也。海蟾屏其將才。而掛印卒逢呂祖。道光棄其僧鉢。而同塵反遇石師。高宦多名。真人所恥。觀於雲房祖師清談寶扇。長臥青雲。法倡雙脩。會八仙之祝嘏。志存中守。啟萬古之長春。其為度人。斯大願也。言外讀玄經。四派以衍此仙脈。人中求丹髓。千秋以紀其功勳。若而凡者。非祖所冀。然而如祖之行。古今所罕焉。

鍾離雲房祖師遺產 (精神修養要妙-17)

舉世人無不死。而好道者。欲不死而長生。舉世人在世中。而好道者。欲昇仙而遊物外。舉世人在地上。而好道者。欲超凡而入洞天。所以甘於勞苦。而守於貧賤。此道分明事不多。奈緣福薄執迷何。含元殿上水晶宮。分明指

出神仙窩。道心不退故傳君。立誓約言親洒血。逢人兮。莫亂說。遇友兮。
不須訣。莫怪頻發此言詞。輕慢必有陰司折。此個事。世間稀。不是等閒人
得知。丹經萬卷。不出陰陽。陰陽精粹。無非龍虎。恐子之志不篤。而學不
尊。心不寧。而問不切。反敗我以漏泄聖機之愆。彼此各爲無益。此丹不與
凡夫用。天上資扶養道人。此寶若教凡夫得。置買莊田遺子孫。塵中難得脩
眞侶。財不難兮侶却難。大丈夫。遇眞訣。須要執持心猛烈。果然百日防危
險。血化爲膏體似銀。果然百日無虧失。玉膏流潤生光明。其炁薰蒸無寒
暑。可爲無上道高人。有無交入爲丹本。要識金丹的端處。未生身處下工
夫。一點最初眞種子。入得丹田萬古春。塞兌垂簾寂默規。滿空白雪亂參
差。殷勤收拾無令失。貯看孤輪月上時。驅回斗柄玄關理。斡轉天關萬象
通。片晌虎龍頻鬥罷。二物相交頃刻中。欲見陽公長子。須是多入少出。從
他兒女相爭。過時求要眞的。人惟陰陽不和。陽微陰多故病多。花殘葉落深
秋。玉人懶上危樓。欲得君民和會。當時宴罷頻收。腎中生炁。炁中有眞
水。心中生液。液中有眞炁。眞水眞炁。乃眞龍眞虎也。一炁初回元運。眞
陽欲到離宮。捉取眞龍眞虎。玉池春水溶溶。眞陽比心液中眞炁。眞陰比腎
炁中眞水。(比字比喻心腎言，不是指心腎言。以後所見比字亦如是解)眞水
不得眞炁不生。眞炁不得眞水不成。炁液造化時變而爲精
。精變而爲珠。珠變而爲汞。汞變而爲砂。砂變而爲金。乃曰金丹。其功不
小矣。採藥須憑玉兒。成親必藉黃婆。等到雍州相見。奏傳一曲陽歌。陰陽

升降。在天地之內。比心腎炁液。交合之法也。日月運轉。在天地之外。比肘後飛金晶之事也。日月交合。比進火加減之法也。日月並行復卦。蹲升數日開關

。貪向揚州聚會。六宮火滿金田。終南路上逢山。升身頻過三關。貪向揚州聚會。淨如少女燒天。兗州行到徐州。起來走損車牛。爲戀九州歡會。西南火入雍州。凡金玉之炁冲於天。隨陽升而起。凡金玉之炁入於地。隨陰降而還。識取五行根蒂。方知春夏秋冬。時飲瓊漿數盞。醉歸月殿遨遊。東望扶桑未曉。後升前咽無休。驟馬遨遊宇宙。長男只到揚州。腎比地。心比天。起後終宵閉耳。隨時對飲金波。宴到青州方住。日西又聽陽歌。飲罷終宵火起。前升後舉焚身。雖是不拘年月。日中自有乾坤。須是謹節不倦。棄絕外事。止於室中用意。測其時候。用二個純陽小子。或結交門生。交翻往復。以無心爲心。如何謂之應物。以無發爲物。如何謂之用法。魔障不退。急急向前以身微斂。斂而伸腰。後以胸微偃。偃不伸腰。少待前後。火起高升。其身勿動，名曰焚身。火退魔障自散於軀外。陰邪不入於殼中。不無盡法。已減省故也。不無盡法。已滅息矣。

之與貧儒換骨丹 鍾祖見而大奇 奪梭金丹大道 呂祖



離雲房祖師紀念專輯